

清源彙志

卷五

學校

書院
社學

考棚

卷六

公署

坊表

卷七

祀典

壇廟
寺觀

卷八

田賦

戶口

光緒壬午年重修

清源蠶書

梗陽書院藏板

清源鄉志卷之五

學校 附書院考棚社學

建學所以明倫我

朝壽考作人自

國都以及郡縣莫不有學厥制隆矣清源裁併後惟
學校尙爲碩果之畱近復創立書院優以膏火
興賢育材亦云備哉士生其間宜何如奮勉也
志學校附書院考棚社學

文廟在城之西南金太和三年知縣張德元建元

清源鄉志

卷之五

一

延祐年知縣彭殷輔重修明洪武間縣丞吳文煥
知縣馬大方主簿黃福重修天順二年知縣張圮
宏治間知縣仝進嘉靖間知縣盧賓彥王納謨萬
厯間知縣舒有翼崇禎十六年知縣鄭經相繼修
國朝順治十七年知縣和羹增修規制較前宏敞乾
隆二十九年併縣置清源鄉學廟仍舊二十四年
徐溝知縣周冕嘉慶二十五年知縣鄧本道光二
十六年知縣周國頤續修

廟制正中爲

大成殿

知縣和羹
增建丹墀

殿左右有神庫

宰牲所 今廢

東西兩廡外戟門門外泮池 知縣和羹建

左右名宦鄉賢兩祠外為櫺星門門之東南隅有

龍門上建魁樓 舊在南城上天啟四年知縣白餘慶創建雍正三年知縣周人龍改

建於內為甬道正北為崇聖祠 崇禎五年知縣何起龍改建明倫堂

後知縣和羹仍建於此櫺星門東曰金聲西曰玉振戟門左

右角門各一曰禮門曰義路 大成殿後正北為

明倫堂堂前東西兩齋室東曰進德西曰修業西

北隅為廚舍西南隅為碑亭 舊為學倉今廢 碑亭迤西有

門通學署署左有門曰搏鵬為入廟之便路明倫

清源鄉志

卷之五

二

堂後舊有敬一亭 今廢 畱空址建尊經閣未果廟

外東偏有射圃亭 今廢

學署在 文廟西先是臨衢為教諭署後為訓導

署崇禎間教諭缺裁祇設訓導一員舊訓導署廢

為空址今之儒學即前教諭署也乾隆二十四年

學官弓養正重建大堂東西客房一楹後宅正房

三楹東西廂房各二楹二十七年學官樊喬楹重

建大門儀門東西書辦門斗房各二楹二十九年

併縣改為清源鄉學訓導

順治九年臥碑

朝廷建立學校選取生員免其丁徭厚其廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有爲非者子既讀書明理當再三懇告使父母不陷於危亡

清源鄉志

卷之五

三

一生員立志當學爲忠臣清官書史所載忠清事蹟務須互相講究凡利國愛民之事更宜畱心
一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省
一生員不可干求官長交結勢要希圖進身若果心善德全上天知之必加以福
一生員當愛身忍性凡有司官衙門不可輕入卽有切已之事止許家人代告不許干與人詞訟

他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

清源鄉志

卷之五

四

康熙四十一年

御製訓飭士子文

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比年士習末端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原

委有敘爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝弟以事親秉忠貞以立志窮經考業勿雜荒誕之談取友親師悉化驕盈之氣文章歸於純雅毋事浮華軌度式於規繩最防蕩軼子衿佻達自昔取譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤陵弱或招呼朋類結社要盟乃如之人名教不容鄉黨勿齒縱倖脫褫扑濫竊章縫返之

清源鄉志

卷之五

五

於衷甯無愧乎況乎鄉會科名乃掄才大典關繫尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂陵騰沸網利營私種種弊端深可痛恨且夫士子出身之始尤貴以正若厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省

爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志甯俟他求哉若仍視爲具文玩愒勿傲毀方躍冶暴棄自甘則是爾等冥頑無知終不能率教也旣負栽培復干咎戾王章具在朕不能爲爾等寬矣自茲以往內而國學外而直省鄉校凡學臣師長皆有司鐸之責並宜傳集諸生多方董勸以副朕懷否則職業勿修咎亦難追勿謂朕言之不預也爾多士尙敬聽之哉

清源鄉志

卷之五

六

欽頒書籍儒學有交代冊可稽茲不詳載

學田二十六畝

東于二十畝鷺池六畝
文廟前稻田兩畦

學爲中學廩膳生二十名增廣生二十名科歲兩試各取進附學生一十二名歲試取進武生一十二名嗣因屢輸軍餉奉文永遠加廣學額文武各一名撥府學無定額歲貢一年一貢

鄉飲酒禮爲賓興大典擇齒德兼優者充之不得其人雖暫停不准濫竽

梗陽書院 考棚附

書院在巡署西卽舊典史署也同治三年徐溝知縣程豫暨鄉學訓導李有光巡檢袁鴻慶督率紳士創建鄉人士踴躍輸將集銀壹萬五千餘兩除建造院舍及置辦器具書籍工費外餘銀發當生息爲師生脩脯膏火資尋程公陞任本省廉訪復捐廉俸五百兩並數年所餘息銀三百兩俱發商取息以充歷年齋長薪水費甚盛舉也

書院南向大門五楹額曰梗陽書院內儀門額曰也是鷺湖儀門內爲講堂院講堂三楹額曰洙泗

探源堂左右窹各二間院內東廂房五間西廂房五間由講堂而入爲主講內院正庭五間東西廂房各三間講堂後門額以甄鑄字曰升堂入室儀門外折而西爲汲古坊坊左側有井入坊數武稍北爲監院廳廳分東西二間中界以門入門而北爲考棚院棚在院西廂計七間有門有戶有窗而無橫壁隔之取其宏且敞也東廂有屋七間中有便門與講堂前院通考棚迤北盡處有門曰敬修門內有廳五間南向爲監院休息之所主講如攜

有眷屬亦於茲託處焉東西廂房各三間廳之東有便門與講堂後院通監院廳西有小院一西南有角門額曰流水小橋門外有渠石橋跨焉講堂後院東有小院一東北有角門便出入書院前數武有照壁他如碑亭榜樓門房廚舍溷厠悉備五臺徐松龕太僕有文紀之

先是書院未建時每逢縣試僦廟宇作考棚招覆則羣赴徐溝往返跋涉之勞羈旅守候之苦寒士多不便之程公深爲軫念特於書院西創立考棚

置備棹凳嗣後文武縣試俱在清源開場申詳立案泐石院中永爲定例

詳定書院章程八條

一書院發當生息銀壹萬兩長年九釐計利銀九百兩除生童膏火獎賞銀六百五兩之外山長脩金壹百貳拾兩膳金八十兩聘金八兩節敬共銀八兩監院節敬滿年共銀十六兩禮房官課卷價及每月三課榜文滿年共銀十二兩門斗工食滿年共銀十二兩齋長值月銀滿年共

銀二十四兩公用薪水銀十五兩統共銀九百兩各當商具有領狀當行頭具有連環保結如有歇業者該當行頭卽按月將本利銀提出再將本銀勻攤別舖以便生息凡提銀惟當行頭是問其利銀於二六兩月交值年紳士凡銀兩出入用街市公平其色真白銀不得減色剋扣當行亦不得另有使費花銷

一書院經費無論本利官私不得以別項借用其山長脩膳及生童膏火獎賞暨雜費不得越利

銀九百兩之外如欲擴充者現經首事人公議候二三年後民力稍舒再爲捐輸推廣其在院肄業發跡者至拔貢舉人以上視功名之大小家資之貧富量爲捐輸所捐銀兩仍舊發當生息至書院每年經費祇準用利不許動本

一書院房屋不得借用公館凡院內家具棹椅並買存書籍不準出院每年由監院及值年紳士詳悉登簿逐月查考

一書院請儒學監院其生息銀兩輪流值年紳士

經管每年共派六人在城二人四鄉四人每兩月輪一人爲齋長如遇閏月卽值以前月齋長其帳目六人共同查考如值月者有弊端卽時回明監院革退追賠另補妥人至年終共將帳目清交接管之人有虧空者六人共任不得推諉

一山長由紳士公議於年前擇定品學兼優堪以掌教者稟明縣主由縣主備關聘請現奉大憲面諭不得因上憲及地方官徇情推薦以

致虛糜脩膳亦不得以本學紳士掌教以致年久弊生如清源延請徐溝徐溝延請清源凡非本學紳士亦均無不可

一書院生童膏火縣主每月初旬內官課定奪名目生卷超等捌名首卷膏火銀叁兩貳叁名每名膏火銀貳兩伍錢餘伍名每名膏火銀貳兩特等拾名每名膏火銀壹兩伍錢壹等無童卷上取陸名首卷膏火銀貳兩餘伍名每名膏火銀壹兩伍錢中取捌名每名膏火銀壹兩次取

無山長於每月中旬下旬內公課兩次一次無故不到者無論生童扣除膏火壹半二次無故不到者全行扣除所扣銀兩與科歲府院試及鄉試之月停課銀俱存爲閏月膏火獎賞之費再有餘銀用以補書院公用之不足計生童膏火每月額銀五十兩零五錢其餘銀十兩作山長二次公課獎賞之費共十月用銀六百零五兩其官課獎賞由縣主捐廉多寡自備至每月三課之外私課由山長自定其官課及公課日

期務與晉陽書院相間以爲生童願赴省課之便每年課期自二月起至十一月止其膏火獎賞銀俱照當行平色發給不得尅扣

一官課及山長公課俱封門扃試一文一詩自辰至酉以六時爲定不準踰限以杜冒名領卷之弊有踰限者文雖佳不得取膏火其官課必縣主親臨扃試庶足以昭慎重如實因公忙道遠亦必兩月一親臨甄別膏火庶足嚴防弊端如欲振興文教者仍以一月親課爲定至官課日

期亦與徐溝官課相間餘課俱由監院局試
一清源文童應試者現今不過數十人故每月膏
火十四分不爲少日後人文益盛該紳士自必
續捐加增且書院新成無庸用歲修銀兩數年
後有增修者尤宜捐歲修銀兩今利息無餘不
得不有望於來者

社學七處一在西 關帝廟右知縣和羹建今借
作營署一在米陽都一在平泉都在堯城鎮者三
今俱廢一在東于王氏宗祠右

